

واصطر لعبادته | الجزء الثاني | الحلقة (40) | #كأنك_تراه |

د . حازم شومان

حازم شومان

السلام عليكم ورحمة الله وبركاته. اخواني واحبابي في الله يجلس سيدنا زكريا الجلسة اليومية بتاعته الورد اليومي المقدس بعد العصر. يذكر الله وقلبه مليان جلال لله. وهو بيذكر ربنا يعرضه عليه عشرين الف فرس من اجود انواع الافراس على وجه الارض - [00:00:00](#)

وهو بيذكر الله يبص للافراس منزلها روعة. منزلها تحفة يفضل مبهور بمنزلها لحد ما يفاجئ ان الشمس غابت والورد راح. والورد المقدس بتاع سيدنا سليمان راح منه. سيدنا سليمان انتفض قلبه. ردوها علي. فطفق مسح. مسح عشرين الف فرس من حياتك - [00:00:30](#)

لأنها عطلته عن عبادة ربنا ساعة. اومال احنا يا جماعة اللي ضيعنا اعمار بعيدة عن عبادة ربنا. مسح عشرين الف فرس من حياته. لان هي ضيعت عليه ورد عبادة. امال احنا يا جماعة اللي ما لناش اوراد عبادة اصلا. الليالي كم ليلة من غير قيام وكم يوم من غير صيام. واصطر - [00:00:50](#)

هو ده الشعار بتاعنا. الحلقة الثانية من الصبر لعبادته يا اخوانا. لحد الوقتي لسة بنقول مين يشتري الفتح بساعة؟ اصطر لعبادته يعني اصمد للورد اليومي المقدس. اصمدي في الورد اليومي الى ان تلقي الله. مين فينا له ورد يومي يا اخوانا؟ مين يشتري الفتح بساعة - [00:01:10](#)

مين يشتري النصر بساعة؟ مين يشتري تفريج الكروبات بساعة يوميا؟ مين يشتري طهارة القلب وزكاة النفس؟ بساعة يجاهد فيها في العبادة السادة كل يوم بين ايدين ربنا تعالوا نعيش في جنة قول الله واصطر لعبادته - [00:01:30](#)

واصطر لعبادته. واصطر لعبادته هدف الدرس ده يا جماعة. هدف الدرس ده ان كل واحد منا لازم يبقى له ورد مقدس يومي. في العبادة ايا ما كان الورد اما هنقول الوقتي الصبر ده لفظ عسكري. مصطلح عسكري. يقول للجندي اصطر لسلاحك. اوعى حد ياخذ منك سلاحك في المعركة والا تضيع. كأن العبادة - [00:01:50](#)

السلاح بتاعنا في مواجهة الحياة. كأن لو وردك اليومي راح منك تضيعي. هو ده الهدف بتاع النهاردة يا اخوانا. ان من غير الورد التعبدية اليومي نضيع هو ده السبب في كل مشاكل حياتنا من اولها لآخرها. الهدف الثاني الانتقال من الفكر المشاعري الى الفكر العملي. الانتقال من فكر وردي من - [00:02:15](#)

فكر قلبي لفكر وردي. كلمة قلبي كل الملتزمين. ما اعرفش اتكلم عن ربنا الا لو الاقي قلبي. انا محبط لاني مش لاقى قلبي. انا ما لقتش قلبي في صلاة التراويح امبارح - [00:02:35](#)

لفكر وردي يعني ايه وردي؟ يعني فيه اوراد سابتة بنعبد ربنا فيها. هي اللي هتجيب القلب وهي اللي هتصلح القلب وهي اللي هتوصلك بالله. بس اهم حاجة تستمر عليها. فكر - [00:02:45](#)

في قلبي جاب احباط عند كل الملتزمين. انما فكر وردي هيجيب القلب لان اصلاح القلب مقصد عظيم. وهيخليكي مستمرة على عبادة الله. الورد عبودي المقدس اليومي ابن تيمية رحمه الله. كان بيقول على الورد اليومي كان يقعد من الفجر لحد عشرة الصبح يركز الله. فابن القيم ببسأله عنه قال له هذه - [00:02:55](#)

فان لم اتغدها سقطت قوتي. يعني ايه؟ يعني من غير ورد عبادة انت ما عندكيش قوة في مواجهة الحياة. ما عندكش قوة تبقى البنت معدية مش قادر تغض بصرك. ليه ما فيش قوة ما فيش ورد عبادة. ما انتاش قادر تصبر على ابتلاء. ما فيش قوة. فان لم اتغدها سقطت قوتي. تسقط قوتي - 00:03:15

على انك انت تشتغل في الدعوة. تسقط قوتك على انك انت تكظم غيظك لما حد يغيظك. تسقط قوتك على انك انت تطلب علم على انك انت قلل نومك وتصحى لقيام الليل. يبقى بدون ورد عبادة انت بدون قوة في الحياة. انت ريشة في مهب الرياح. الرسول عليه الصلاة والسلام كان جاي له وفد - 00:03:35

فالنبي كان كل يوم بعد العشاء يروح يدعوهم الى الله يكلمهم عن ربنا اسلمم. فمرة النبي اتأخر عليهم. فالنبي عليه الصلاة والسلام رايح لهم فبيقول لهم هو اتأخر ليه؟ الحديث - 00:03:55

الامام ابن حجر العسقلاني فقال لهم النبي صلى الله عليه وسلم اني طرأ علي حزبي من القرآن. يا جماعة الكلمة دي كلمة تطير العقل اني طرأ علي حزبي. يعني الورد بتاعي راح مني النهاردة لان انا انشغلت في الدعوة. فكرهت ان اخرج اليكم قبل ان اتم. انا ورد القرآن بتاعي راح مني - 00:04:05

النهاردة بسبب الدعوة. فانا ما قدرتش اخرج لكم في الدعوة تاني غير لما اخلص وردي. اني طرق ده يا جماعة المستشفى طوارئ. يعني الورد التعبدى اليومي وده عربية اسعاف. يعني الورد التعبدى اليومي ده عربية الاسعاف والانسان عامل من غيره زي اللي مرمي على الطريق السريع خابطاه عربية. لو ما جتش عربية اسعاف تنقذه - 00:04:25

فورا يبقى ضاع. يعني اذا حضر الورد كانه لا يعرفنا ولا نعرفه. عشان كده حبيب الله محمد صلى الله عليه وسلم يقول الكيس العاقل من دان المنافسة دان يعني يقول لك فلان دانت له البلاد. حاربها لحد ما دانت. حارب نفسه في ورد العبادة ليوم لحد ما قهرها وخليها تتبعه. مش هي اللي تقوده - 00:04:45

اهواءها وعمل لما بعد الموت. لما دان نفسه عمل لما دان نفسه انطلق في العزيمة. الورد اليومي هيبص عزيمة جبارة جوانا يا اخوانا استمرار يا جماعة هدف درس النهاردة ان احنا نقول ان الاستمرار هو الدين. لما ربنا قال للنبي جاهد ما شابش. لما ربنا قال للنبي ادعو ما شابش. لما ربنا قال للنبي - 00:05:05

كما امرت شاب شعر النبي عليه الصلاة والسلام. شيبنتي هود. شاب شعر ده بالمفسرين قاله عشان قول الله فاستقم كما امرت. يعني استمر عشان كده الراجل جاي للنبي عليه الصلاة والسلام يقول له قل لي عمل يا رسول الله. لا اسأل عنه احد بعدك. قال قل امنت بالله. كده دخلت الدين. طب الدين بقى كله اجمعه لي في كلمة يا رسول الله - 00:05:25

ثم استقم. يعني انت دينك على قد اللي انت مستمرة عليه مش الفرقعات. مش يومين عبت وبعد كده نمتي. دينك على حسب الاوراد اللي انت مستمر عليها عشان كده لما سليمان استمر على ورد العبادة ربنا قال عليه نعم العبد انما اتخزوا دينهم لهوا ولعبا. بعض المفسرين قالوا اللي يلعبوا في الدين. يومين - 00:05:46

الليل وبعد كده يسيبه. يومين تقعد جلسة الضحى وبعد كده تسيبها. اسبوعين يصوم وبعد كده يسيب. يبقى انت عايزة تبقي نعم العبد ولا تبقي اتخزوا دينهم لهوا ولا نعم العبد اللي هيستمر على الاوراد اتخزوا دينهم لهوا ولعبا بالدين. اللي ما عندهم ايراد. يا اخوانا القضية خطيرة الحسن البصري يقول - 00:06:06

والله ما المؤمن الذي يعمل الشهر ولا الشهرين ولا السنة ولا السنتين. مش المؤمن اللي يقوم الليل شهر ويسيب. ولا اللي تصوم اتنين وخميس سنة وتسيب فجعل الله لمؤمن اجلا دون الموت. المؤمن اللي عنده ايراد حتى الموت. طب تعالوا بقى يا جماعة في النهاية. تعالوا بقى يا جماعة نشوف التشكيل بتاعنا. لان التشكيل النهاردة هو - 00:06:26

حاجة في الحلقة انه اواب. مش ربنا قال نعم العبد انه اواب. انا عايز ابقى نعم العبد يا رب. خليك اواب. يعني ايه اواب؟ الالبية في اللغة ان ارد الابل الماء كل ليلة. يعني لها ورد ثابت كل ليلة. الاواب كما يقول عبيد بن عمير الذي لا يقوم من مجلسه. اللي وهو قاعد في الورد بتاعه لو - 00:06:46

حصل زلزال ما يقومش بالورد بتاعه. خمس اوقات في اليوم ربنا نادى بالعبادة فيها. خمس ساعات في اليوم. اختاري ساعة او ساعتين الوقتي. كل واحد منكم يا جماعة كل واحد بيننا الله. كل واحد مننا الوقت يا جماعة يختار ساعة او ساعتين. سابتين مقدسين يبقى اواب فيهم. لو انت سبت في ساعة من الخمسة دول - [00:07:06](#)

اللي يقدر يزود يزود بقى. او زودي بالتدريج بس ابدأي بساعة. في رمضان تسبتي عليها وبعد رمضان تعاهدوا ربنا عليها. خمس ساعات الساعة اللي بين المغرب والعشاء الساعة اللي قبل الفجر اللي هي قيام الليل الساعة اللي بعد الفجر اللي هي جلسة الضحى الساعة اللي قبل الظهر اللي هي جلسة التهجير الساعة اللي - [00:07:26](#)

بعد العصر اللي هي تسبيح الاصال. خمس اوراد يومية اختاروا منهم يا جماعة زي كل الصالحين. عشان نبقى حققنا قول الله واصطبر لعبادتك اختاروا الساعة الاولانية بين المغرب والعشاء. اللي هي احياء ما بين العشاءين - [00:07:46](#)

لو قعدت في المغرب بين المغرب والعشاء خدت سواب صلاة المغرب والعشاء يا جماعة. والعشاء يا جماعة بقيام نص الليل. وخذت سواب الرباط. انتزار الصلاة بعد الصلاة. وخذت كتاب في - [00:08:01](#)

صلاة على اثر صلاة كتاب في عليين. الورد ده انسب ورد لكل الطلبة حتى ايام الامتحانات. لان من المغرب للعشاء مش هتلق تزاكر صفحتين ثلاثة يا اخوانا اعرف تاجر فيه تاجر في القاهرة بيقد من المغرب للعشاء في الجامع. لو جا له صفقة بمليون جنيه ما يردش على التليفون. ليه ؟ ده وقت الاوبة بتاعه. انه - [00:08:11](#)

يبقى عشان كده الحسن البصري رحمه الله يقول في قول الله سبحانه وتعالى تتجافى جنوبهم عن المضاجع يدعون ربهم لهم خوفا وطمعا. ومما رزقناهم ينفقون. يقول تتجافى جنوبهم عن المضاجع. ده من المغرب للعشاء. لان زمان كان من المغرب للعشاء الناس ما بتقدرش. الناس بتصحى - [00:08:31](#)

في الفجر تتجافى جنوبهم عن المضاجع. يعني قيام ليل من المغرب للعشاء! طب ثوابه ايه! فلا تعلم نفس ما اخفي لهم من قرة اعين فلا يعني ثواب مهول. ربنا اخفاه حتى عن الملائكة. يبقى الساعة الاولانية ساعة احياء ما بين العشاءين ما بين المغرب للعشاء. اختار - [00:08:51](#)

الساعة الثانية. الساعة الثانية الساعة اللي قبل الفجر. اللي هي قيام الليل يا جماعة وهي تنفع بعد العشاء وتنفع في وسط الليل وتنفع اخر الليل. سوابها ايه؟ ايقزوا صواحب الحجرات - [00:09:11](#)

مازا انزل الليلة من الخزائن؟ الخزائن بتنهمر انهمار على اهل قيام الليل. الله يتنزل في التلت الاخير فيقول هل من في علم الضر فادفعه عنه. هل من مستشف فاشفيه؟ هل من سائل فاعطيه؟ هل من تائب فاتوب عليه - [00:09:21](#)

هل من مستغفر فاغفر له؟ يا اخوانا عطاءات الله يناديك مين يتنزل؟ مين بينادي على مين؟ مين بينادي على مين يا جماعة؟ يبقى الساعة اللي قبل الفجر ساعة العطاءات والفتوحات والكرامات. الساعة الثالثة الساعة اللي قبل الظهر اللي هي التهجير اللي هي بتسمى جلسة التهجير. قال رسول الله صلى الله عليه وسلم - [00:09:41](#)

ولو يعلم الناس ما في التهجير لاستبقوا اليه. منزر جبار. الناس في الساعة اللي قبل الظهر ديت الدنيا مولعة تتنافس في الجامعات والتجار بيتنافسوا على الصفقات في الاسواق. الكل بيتنافس يا جماعة. النبي بيقول لو الناس يعرفوا الساعة اللي قبل الظهر دي انك تروح الجامع. وانك - [00:10:01](#)

خدي في اوضة نومك تعبدي ربنا فيها سوابها ايه؟ الناس هتسيب السباق على الدنيا وهتتسابق على الجوامع. الناس هتجري مسابقة مين اللي يلحق مكان في الجامع ياه يبقى دي جلسة التهجير. يبقى دي جلسة التهجير لاستبقوا اليه. ده الساعة الثالثة. الساعة الرابعة اللي هي الساعة اللي بعد العصر. اللي هي تسبيح - [00:10:21](#)

الاصال يا اخوانا يعني ايه تسبيح الاصال؟ الايام العصر للمغرب دي كل الانبياء كانوا بيعودوها. كل الانبياء بيسبحوا ربنا فيها تسبيح الاصال ده اللي هو احنا بدأنا به الحلقة. اللي هو از عرض عليه بالعشي نعم العبد انه اواب سيدنا سليمان. اذ عرض عليه - [00:10:41](#) العشي العشي اللي هو وقت اللي احنا بنتكلم عنه ده. الساعة ده. اذ عرض عليه بالعشي الصافنات الجياد. فقال اني احببت حب

الخير عن ذكر ربي حتى توارت خد قرار لما الساعة ده اهي راحت عليه ردوها علي فطفق مسح بالسوق والاعناق. يا اما مسحها دبحها يا اما مسحها ختمها ختم - 00:10:59

نزر للجهاد وخروجها من ملكيته تماما. فطفق مسح بالسوق والاعناق. والنتيجة النهائية انه مسحها من حياته. لانها عطلته عن ساعة تسبيح الاوصال يبقى دي الساعة الرابعة. اختار الوقت اختارت ولا لسه؟ ما عدش غير ساعة واحدة يا جماعة الساعة اللي بعد الفجر اللي هي جلسة الضحى. لازم كل واحد منكم يختار الوقت - 00:11:19

اواب. نعم العبد عشان ربنا يقول عليك نعم العبد. عشان ربنا يقول عليك نعم العبد. عشان نبقي حققنا قول الله اصطر لعبادته. اللفظ عسكري اوعي تسيبي سلاحك يبقى وردك اليومي ده سلاحك. في مواجهة الشيطان. سلاحك في مواجهة نفسك. سلاحك في تصليح قلبك. سلاحك في كسب - 00:11:39

توصلي بها لربنا سلاحك. اوعي تغفل عن سلاحك في الغابة بتاعة الحياة. اللي احنا عايشين فيها دي. الساعة الخامسة جلسة الضحى جلسة الضحى في بعض الاثار ان فيه باب في الجنة اسمه باب الضحى. يعني ان الساعة الاولانية في اليوم ديت ممكن تبقى باب في الجنة. على فكرة يا جماعة الكلام ده مش عجيب. عارفين الكلام ده مش - 00:11:59

ليه؟ لان الساعة الاولى في اليوم هي راس حربة اليوم. ها؟ اللي هيعرف يزيبط نيته في الساعة الاولى ويجمع همه على الطاعة في الساعة الاولى. ده هيبقى اليوم بتاعه كله طلقة - 00:12:19

يعني دي شحنة اليوم كله. يعني دي راس الحربة بتاع اليوم كله. هتقول لي انا ورايا شغل الصبح ودراسة. تلحق تنام ساعتين. احنا الوقتي يا جماعة الفجر بيدن ثلاثة ونص. الشغل - 00:12:29

ببقي تمانية ونص عند معظم الناس. وفيه ناس كمان بيبقى تسعة عشرة. يعني تلحق تقعد جلسة الضحى. وتنم ساعتين وثلاثة وانت مستريح كمان. يا اخواننا قال رسول الله صلى الله عليه وسلم من صلى الفجر في جماعة بالنسبة للمرأة في بيتها في اوضة نومها. ثم جلس يذكر الله حتى تطلع الشمس حسناء ثم صلى - 00:12:39

ركعتين كان له اجر حجة وعمره تامة تامة تامة. العمرة دلوقتي بقت بخمستاشر الف ريال. يعني خمسين الف جنيه عمرة رمضان اللي جاية ده ايه؟ يعني تخيل انت كل يوم والحج بقى تخيله بكم؟ انت كل يوم بتعبد ربنا في الساعة اللي اول اليوم بميت ميتين الف جنيه. عبادة بس لربنا - 00:12:59

سبحانه وتعالى. يعني ما انتاش عارف تروح للكعبة في رمضان. يا اللي نفسك انك كنت تروحي تعملي عمرة في رمضان. يا اللي نفسك انك كنت تروح للكعبة في رمضان الكعبة جت لحد عندك. الكعبة جت في المسجد اللي جنب بيتك. الكعبة جات لك وتاخذ سواب حجة وعمره تامة تامة تامة - 00:13:19

وانت جنب بيتك الساعة اللي بعد الفجر من احب الساعات الى الله في العبادة واحب الاوراد. الانبياء كلهم ما فيش نبي كان بيسيبيها في العبادة وذكر الله وتعالى الساعة العظيمة ديت اللي هي راس حربة اليوم كله. اختاروا بقى يا جماعة. قلت لكم خمس اوراد اهو. خمس اوراد الساعة اللي بين المغرب والعشاء اللي هي احياء ما بين العشاءين - 00:13:39

والساعة اللي قبل الظهر اللي هي جلسة التهجير. والساعة اللي بعد العصر اللي هي تسبيح الاصال. والساعة اللي قبل الفجر اللي هي قيام الليل والساعة اللي بعد الفجر اللي هي جلسة الضحى. اختار اخترت ايه؟ اخترت ورد من الخمسة. يا اخوانا احنا في موسم العبادة. يعني احنا دلوقتي في المعسكر التدريبي - 00:14:00

اللي بناخد منه شحنة الانطلاق للسنة كلها. يبقى لما ناخذ قرارات ما بعد رمضان من اول رمضان. ومن واحنا لسة في رمضان ساعتها بازن الله سبحانه وتعالى تفرق معنا طول العمر. هتفرق معنا اوي اوي اوي اوي. واصطر لعبادته. ربنا قالها مرتين في القرآن للنبي عليه الصلاة والسلام. المرتين كانوا - 00:14:20

العبادة في سورة مريم وفي سورة طه سورتين ورا بعض. المرتين عن العبادة. اصطر يعني اصبر على ما لا يطيقه الناس خليك انت صابر. الناس مش راضية تصبر على العبادة. خليك انت صابر. اعبدية على قد ما انت نفسك يفتح عليك. اعبدوا على قد ما اكرمك

ونعمك - 00:14:40

ابو دي على قد ما نفسك يفرج كريك. اعبد على قد ما نفسك قلبك ينور ونفسك تزكو. اعبد على قد ما نفسك يبقى عندك عزيمة في الطاعة في الحياة وفي مواجهة الحياة. العبادة سبب تنزل الكرامات. العبادة سبب انهار الفتوحات والعطاءات. العبادة سبب كشف

الكربات - 00:15:00

العبادة سبب القوة في مواجهة الحياة. العبادة سبب لمدد الله. العبادة سبب للتمكين في الارض. العبادة سبب لان يبقى لك قيمة عند الله اه العبادة سبب لولاية الله وكفاية الله. العبادة سبب لاناة القلب بمقامات الايمان. ان القلب يبقى جنة. هي ديت - 00:15:20
اللي انا قلتهم دول خلاصة الحلقتين بتوع واصطبر لعبادته. اصبري على العبادة. اصبر على الورد المقدس اليومي. ربنا يوفقكم. ربنا يا جماعة يجعلنا من الموفقين في عمرنا. لان اللي ما لوش ورد عبادة سابت انسان مخزول. انسان بيتخز دينه له. انسان مش عايز ياخذ

الدين بالجدية - 00:15:40

وبالعزيمة. اللهم وفقنا وما توفيقنا الا بالله. عليه توكلنا واليه ننيب. رب اشرح لنا الصدور ويسر لنا الامور اللهم اعنا على ذكرك وشرك
وحسن عبادتك. ربي اجعلنا لك صوامين لك قوامين. لك ذكارين - 00:16:00

لك شكارين. اللهم اعنا بما اعنت عليه عبادك الصالحين. يا رب نحن بك واليك. نحن بك واليك ان اعنتنا اعنا. ان وفقتنا وفقنا. ان

سددتنا سددا. ان ايدتنا وايدنا يا رب. الله - 00:16:21

ثم جعلنا لك صوامين قوامين. اللهم ارزقنا تلاوة القرآن. انا الليل وانا النهار. على الوجه الذي يرضيك عني اللهم اعنا على ما تحبه

وترضاه. اللهم افتح لنا من ابواب عبادتك ما ترضى به عنا. اللهم افتح لنا ابواب الحج والعمرة - 00:16:41

وارزقنا المتابعة بين الحج والعمرة. يا رب العالمين. يا اكرم الاكرمين. يا ارحم الراحمين. يا خير رازقين برحمتك يا ارحم الراحمين

سبحانك اللهم وبحمدك اشهد ان لا اله الا انت. استغفرك واتوب اليك. وكيف احب غير الله يوما - 00:17:01

وليس سواه في الاكوان بالمدى - 00:17:28